

求恕齋
叢書

周易集義

周易集义

一函
四册

出版：文物出版社

北京五四大街29号

印装：韩营装订厂

北京大兴县

发行：北京发行所

一九八四年四月木板刷印

定价：五十四元

统一书号：17068·1246

求恕齋叢書序

往者光緒中禩海禁褰開士大夫恍於國步之窳弱頗
疑固守成法之不足持世變抵掌談新學時余方隨嘉
興許文肅公使俄羅斯稍稍習夷務因得於其間詆訶
彼都朝政民俗之因革歸國後供職譯署珥筆之暇廣
攬譯籍益知列國之崛興雖機械萬端奇袤日出而固
有文教學術爲立國之本者固未一日棄置也有志之
士譚禮變之跡究隆污之源亦嘗得其會通以毗贊治
道乃回顧國內羣言龐雜陶誕弔詭之風方如狂飈之
撼海濤而莫可遏止舉數千年聖知賢傑所辛勤留遺

者束置高閣暮立章程數十條更改制度如干事朝行於國中以爲富強可戾契致嘗深矚太息懍然於莊生所譏耕而鹵莽則其實亦鹵莽而報者殆將一旦遇之其後歷官於外洊領疆符光宣之交籌備立憲法令如牛毛余方總督陝甘疏論新政之害謂宜深維國本顧畏民暑不當殫財府怨以徇變法之虛名訟言甚切以去就力爭卒以是罷官屏居未久而海內鼎沸兵禍連歲不解余崎嶇西陲艱難戎馬慨然長想以爲鹵莽之報旣若是矣苟國人懲創往事而晞冀未來之永圖則若治田然務取良農長法辨寒燠土壤之宜無惑異趨

無急近效必有償吾勞力之一日賢人知士治國之良農也其著述治國之長法也安得有志之士介然不與世俗同流董理其卷帙刊布其精蘊於以示學術之正鵠矯末俗之卮言治亂之機端繫於是乎烏程劉翰怡京卿博修好學有守先待後之志所謂介然不與世俗同流者歲己未策杖登泰岱道青島訪余海壖一見如舊相識遂定交焉知其方校刻書籍甚勤尋余移居津沽歲時承以書幣相勞遺去年冬余入都覲賀重見於輦下歡然道故贈以所刻求恕齋叢書且以弁言見屬於是知翰怡之書有曰嘉業堂叢書者則聚蕭齊以後

罕傳之撰述以津逮後學也有曰吳興叢書者則蒐其鄉先輩之書以存鄉邦文獻也有曰留餘草堂叢書者則擇先儒性理格言諸編以扶翼世教也而求恕齋叢書則最錄近時人著述經學國故稗史年譜地理文藝之屬之有裨世用者都二百二十四卷而吾友福山王文敏公榮成孫佩南京卿遼陽楊子勤太守之書皆與焉翰怡之言曰輒近典章文物制度實備於曩昔荀子所謂觀其粲然者是也吾故取近人之書別爲一編使讀者知人論世而易於尋繹求恕名編蓋取己所不欲勿施於人之義以警夫世之在高位者亦因以自警焉

余曰善哉庠上古之錢鏹不若精後世之耒耜講三代之溝洫不若辨秦漢之阡陌如君之志於吾治田之說亦有當焉但願世之讀其書者斟量今昔之宜慎於抉擇而無若前此之鹵莽庶不負翰怡之深期余晚邁艱屯學殖荒落奚足以語文墨顧不辭而爲之序者亦冀以是書播其嘉種以饜余寤寐望治之心故不覺其言之喋喋也癸亥仲秋察罕升允

[illegible]

求恕齋叢書序

吾友劉翰怡京卿藏書閱富類多孤行罕見之本私家
塵存之籍於是擇其尤著者刊爲嘉業堂叢書凡吳興
一郡先喆遺編別出之爲吳興叢書繼又廣續網羅鏤
而不舍刊求恕齋叢書都三十四種爲卷二百三十有
五其發潛闡隱之心可謂盛矣嘉道以前若阮氏畢氏
孫氏鮑氏伍氏諸家亦旣彰彰在人耳目近數十年則
潘氏之滂喜齋功順堂庶幾可與頡頏其他殆難媲美
也士鑑嘗以爲 國朝學派三百年間風會數變康雍
諸老體大思精乾隆承平宏儒輩出訓詁考據將駕前

代而上之洎道光中葉寓內多事一二深識之士剗心
邊要博治地輿之學蘄於致用同光以降承學者以破
碎考證苦於抉翬幾窮迺上求西京微言大義論者又
病其武斷誣經馴至釀成世變將舉周秦兩漢以來雅
言故書均淪於若存若亡之列豈不恫歎至於 昭代
掌錄絕勘專書言朝章國故者怒焉爲憾不知遼瀋之
世臣海內之耆碩未嘗不私自纂述以待史家之博訪
其不見之於官書者往往鈎稽事實或託諸詩話以傳
其人如與耆舊傳先賢行狀相爲表裏焉翰怡精心甄
采所刊之書大抵與士鑑平生主張之學派若合符契

蓋不獨抱殘守闕之愔也歲在著雍執徐之歲殺青既
竟翰怡書來屬爲綴言簡端因綜論學派之源流質之
翰怡翰怡其許爲知言否乎錢塘吳士鑑序於九鐘精
舍

[illegible]

求恕齋叢書序

自昔賢人君子世之盛也則聚於上爲景星慶雲及其
衰也則伏於下爲雞鳴風雨然而景星慶雲僅見於一
時而雞鳴風雨其澤且流及後世當明之季小人道長
二三君子遜迹巖阿如孫夏峰倡道於北方陸桴亭講
學於東南而船山王氏梨洲黃氏亭林顧氏蘊其所蓄
不得於時窮愁著書以傳來哲 國朝三百年來義理
考據之學超越前古其端皆自諸先生開之流澤亦云
遠矣近自辛亥而後政柄驟移故家舊族抱其先業寄
寓滬濱憂傷顛顚無可發洩則託迹嵇阮以沈冥自遣

視明季諸賢固無以異也時則有江陰繆藝風參議金壇馮蒿庵中丞歎時局之淪胥悼斯文之將喪相與搜緝舊聞網羅散佚同時諸賢如楊芷姓太守唐元素司馬諸君抱道淪隱亦各有撰述余幸得與相周旋未嘗不歎當此文獻絕續之交二三君子適會聚於窮海之濱不可謂非天心所屬意也乃哀其所著薈刻之計經部二家二十四卷史部十三家六十三卷子部三家二十九卷集部八家一百十九卷雖其中有不盡並時者要皆師友授受淵源所自不可沒也今則藝風蒿庵相繼殂謝其存者亦高蠱上履二之節而時局益非求如

往日之杯

文從容商榷不可復得亦不勝今昔之

感諸賢雖

不耦其所以仰承前緒而餉遺後學者

其書具存又不待余言矣己巳仲秋吳興劉承幹

[illegible]

求恕齋叢書總目

經部

周易集義八卷

溧陽強汝諤撰

喪服鄭氏學十六卷

婁縣張錫恭撰

史部

庚子西行紀事一卷

率賓唐晏撰

漢管處士年譜一卷

黃巖管世駿撰

玉溪生年譜會箋四卷

錢唐張采田撰

司馬溫公年譜八卷卷後一卷遺事一卷

無錫顧棟高撰

王荊公年譜三卷卷後一卷遺事一卷

無錫顧棟高撰

求恕齋叢書總目

一 求恕齋